



2016-mut ilassutissatut aningaasaliissutitut Inatsisissatut Siunnersuut.

(Aningaasaqarnermut Akileraartarnermullu Naalakkersuisoq)

Ilassutissatut aningaasaliissutitut inatsit takussutissaasarpog aningaasaqarnermi ingerlatsinikkut torersumik siunertaasimasullu malillugit ingerlatsisoqarsimaneranik. Ilassutissatut siunnersuutit arlaqartuusarnerat takornartaanngilaq. Ukiulli ingerlanerani pisariaqavissumik Naalakkersuisunit aningaasanik ilassutissanik qinnuteqartarnerit ilaat allanit pisariaqarnerusutut imaluunniit pissusissamisoornerusimasutut taaneqarsinnaasarpot.

Ilassutitut aningaasaliiffiqarsimasuni taaneqarsinnaasut ilaat angallannikkut kiffartuussinermi isumaqatigiissusiorsimaneq, ilaatigut Inuit Ataqatigiit tamakkiisumik naammagisimaanngisatsinnik angusaqarfiusimasoq, taamaattoq annertuumik peqataaffigisimasarpot. Suliap taassuma takutippaa ukiuni tulliuuttuni angallannikkut aqqissuusseqqinnissaq pisariaqarluinnalersimasoq, maannamummi anguneqarsimasoq innuttaasut sullinneqarnerannut ataatsimut isiginnilluta nalilissagutsigu suli nammaginangilluinnarmat, pingaartumik innarluutillit pitsorluttut napparsimasullu angallanneqartarneri eqqarsaatigalugit. Taamaattumik pisariaqarpoq illoqarfinni ataasiakkaani angallannermi ajornartorsiorfiunerusuni, Qeqertarsuarmi, Qasigianguani, Nanortalimmi aammalu Kangaatsiami mittarfeqqat pilersinneqarasuarnissaannik pilersaarusiorderit aallartisarneqartariaqarpot

Suliami uani aamma erserpoq atuarfinnik aserfallassimasunik nutarterinerit aserfallattaaliinerillu attanneqarsinnaasumik pilersaarusiorderneqartariaqarnerat pisariaqarluinnartoq, ilisimavarpummi illoqarfinni arlalinni nunaqarfinnilumi atuarfiit aserfallalluinnarnikut arlalissuusut, assersuutitut Maniitsumi Ki-laaseqqap atuarfia, maanna aningaasanut inatsisissami ukiuni missingersuusiorfiusuni peerneqarsimasoq. Taamaattoq Sisimiuni Minngortuunnguup Atuarfiata nunarterneqarnerani aningaasaliissutit kr. 29,7 mio. annertussusillit Sa-naartugassanut Iluarsagassanullu Aningaasaateqarfimmit nuunneqarsimappot, aningaasat pineqartut pilersaarutit naapertorlugit atunngittoorneqarsimamma-ta, tamanna takutitsivoq pilersaarut allannguuteqarsimasoq annertuumik.

Nunatta karsiata aningaasat isertissinnaasai tutsuigineqarsinnaasut kisimik Inatsisartut Aningaasanut Inatsisaannut ikkunneqartariaqarpot, tamannali pin-

ngilaq avaleraasartuunut akitsuutit isertikkumaagassatut missigiussat affaan-
nai kr. 40 mio. ukioq 2016-mi isertinneqarmata. Taamaattumik aalisarnermi
misileraanermi isertikkumaagassatut missigiussat, qanoq annertutigisumik
isertisivigineqarumaartut nalunartut, aningaasanut inatsimmut toqqaannaq
inissinnagit immikkut konto-lerlugit immikkut isertikkumaagassatut inissinne-
qartarnissaat pissusissamisoornerpaavoq.

Taamak oqaaseqarluta suliaq aappassaanneerpeqannginnarani An-
ingasaqarnermut Akileraartarnermullu Ataatsimiititaliamut suliaassanngortinne-
qassasoq inassutigaarput.

Qujanaq.